



Timor-Leste Levantamentu COVID-19

Ronda 2 – Jullu 2020

Apoia husi



Implementa husi



Prodús husi



Publikasaun ida-ne'e hetan finansiamentu husi Governu Australianu liuhusi Ministériu Negósius Estranjeiru no Komérsiu, através ninia programa Dezenvolvimentu Governansa. Opiniaun sira ne'ebé hato'o iha publikasaun ida-ne'e nu'udar autór nian mesak no la nesesariamente reprezenta opiniaun husi Governu Australianu nian.


Levantamentu COVID-19 Timor-Leste

Rezultadu fulan-Jullu 2020

Folletu informative ida-ne'e apresenta rezultadu sira husi levantamentu telefónika ida ho **ema adultu** nain 404 iha **Timor-Leste** ne'ebé hala'o husi loron **18-27 Jullu 2020**. Durante fulan Jullu, laiha kazu ativu COVID-19 nian iha Timor-Leste, estadu emerjénsia ramata ona, no apoiu subsidiu husi governu nian distribui ona ba maioria uma-kain sira. Rezultadu sira husi fulan-Jullu anaunsér espesifikadu oinseluk no kompara ho hirak husi fulan-Maiu 2020.

Dezafiu boot liu


Maiu	Jullu	
61%	52%	COVID-19
18%	19%	Polítiku
10%	16%	Ekonomia



hanoin Timor-Leste la'o ba diresaun loos

Nível preokupasaun


Maiu	Jullu	
73%	50%	Osan
71%	59%	Saúde
68%	56%	Hahán



daudaun ka uluk izola an

64% fiar katak governu atu tau-matan ba sira durante COVID-19
(Maiu: 49%)

Sentimentu kona-ba governu nia resposta atuál:



Hahalok seguru hasoru COVID sai-menus ona (8% - 12%)

(% husi hahalok seguru ne'ebé pratika)



77% Máskara



75% Fase liman



65% Serbisu husi uma



67% Mantein distánsia 2m



64% Evita fatin públiku

Maibé se sira moras **proporsaun hanesan** mak sei:



67% Hela de'it iha uma



66% Evita halibur malu



94% Sei ba ospital bainhira hetan sintomas

63% Mak simu ona Uma Kain \$100 ba uma-kain ida-idak

81% Sei uza hodi sosa hahán

Grupu sira ne'ebé **provável liu** atu uza ba hahán:

- Idade 25-34 (90%)
- Hela iha Dili (88%)
- Dezempregadu (96%)
- Muda hela-fatin bainhira deklarara EE (91%)

33% dehan sasán folin aumenta depoizde subsidiu ba Uma Kain Aas liu iha Dili (45%)



86% husi labarik sira mak eskola fali ona



33%
(Maiu: 55%)

Hakarak atu governu **hapara ona Estadu Emerjénsia**



28%
(Maiu: 35%)

Hanoin katak Governu tenke **fó tan osan** ba uma-kain sira

Iha loron 30 ikus nia laran,






Ema **2** husi nain **3** mak tenke **hamenus porsaun han** ka **kesi-kabun** tanba laiha **osan suficiente** ba hahán (Aat liu iha Dili)


Seguransa alimentár mak problema boot ida iha **Dili** (33%) duké iha **li'ur ba Dili** (20%)

82% hanoin COVID-19 halo sira-nia comunidade sai hamutuk liutan

(Maiu: 70%)

Komunidade nia relasaun sai fote liutan ona		Proporsaun husi ema sira ne'ebé hetan impaktu negativu sai-menus ona		Maibé, paranóia sai-aumenta ona						
Jullu 2020 (vs Maiu)		Jullu 2020 (vs Maiu)		Jullu 2020 (vs Maiu)						
	Komunidade nia relasaun	88%	+8%	Serbisu	34%	-18%		Intoleránsia ba ema oin-foun	79%	+14%
	Fó ajuda	69%	+11%	Rendimentu	34%	-16%				
	Simu ajuda	66%	+14%	Saúde fiziku	20%	-17%				
				Saúde mental	20%	-17%		Tauk ba kazu sira suspeitu ba COVID nian	91%	+13%
				Sente seguru	17%	-16%				

81% mak satisfetu ho divizaun ba serbisu uma-laran nian **36% mak satisfetu liu ho fahe serbisu uma-laran nian molok pandemia mosu** **Jéneru LA'ÓS indikadór ida ba satisfasaun ka mudansa iha satisfasaun**



Televizaun nafatin nu'udar fonte ne'ebé ema **konfia liu** ba notisia sira kona-ba:

COVID-19 (85%) Maiu: 80%
Notisia sira seluk (81%) Maiu: 75%

Barak liu mak haree:
GMN (81%) Maiu: 67%



Rádiu has become **ladún kondia** ba notisia sira kona-ba:

COVID-19 (5%) Maiu: 12%
Notisia sira seluk (6%) Maiu: 17%

Barak mak rona :
Rádiu Falintil (27%) Maiu: 10%

Ema sira iha Dili (kompara ho iha lí'ur ba Dili):

- Fiar **televizaun** ba notisia sira kona-ba COVID (91% vs 83%)
- Sei uza **website governu nian** atu hatene **informasaun** kona-ba apoiu husi governu (18% vs 2%)
- Hakarak hatene **informasaun barak tan** kona-ba **asesu ba** apoiu husi governu (61% vs 33%)



Ami hakarak hato'o agradesimentu ba respondente nain 404 ne'ebé fó ona sira-nia tempu no mós ba entrevistadór nain 15 iha Dili ne'ebé hala'o levantamentu ba fulan Jullu nian.

Apoia husi



Implementa husi



Prodús husi



Antesedentes


Peskiza ida-ne'e kona-ba saida?

COVID-19, ka pandemia globál coronavirus ezije ona resposta boot tebes huso governu sira iha mundu tomak. Timor-Leste iha ninia rekezitu úniku rasik bainhira responde ba eventu ida ho magnitude boot hanesan ida-ne'e.

Peskiza ida-ne'e buka atu komprende:

- Povu Timor-Leste sira-nia preokupasaun;
- Oinsá di'ak populasaun sira adapta ba medida sira prevensaun nian no tau-matan ba sira-nia saúde;
- Nível konfiansa iha governu;
- Uzu no satisfasaun ho governu nia programa sira;
- Impaktu sosiál no ekonómiku husi pandemia COVID-19;
- Oinsá mak srbisu uma-laran nian ne'e distribui durante pandemia;
- Reziliénsia husi ema ida-idak no sira-nia comunidade; no
- Fontes ba notisia no informasaun ne'ebé mak populasaun Timor-Leste konfia liu atu mantein informadu kona-ba pandemia ne'e.

Kontestu Timor-Leste



Molok levantamentu fulan Maiu nian, Governu Timor-Leste responde hodi deklarasaun Estadu Emerjénsia (EE) ida, ne'ebé halo eskola sira taka, suspende transporte públiku no bandu ema halibur malu iha grupu boot, fexamentu instituida ba fronteira no estabelese rekezitu sira ba distansiamentu sosiál. Partes husi Estadu Emerjénsia ne'e hasa'e liutan molok traballu terrenu nian iha fulan Jullu, restaura hikas fali maioria husi liberdade nian ba residente sira iha Timor-Leste maibé sei aplika nafatin restrisaun ba viajen internasionál.

Embora medida hirak-ne'e aplika hodi evita COVID-19 nabelar bá-mai, Governu Timor-Leste mós rekoñese impaktu sosiál no ekonómiku nian no introduza programa lubuk ida ba apoiu finanseira nian, la'ós de'it atu fô apoiu ba sidadaun bainhira sira halo auto-kuarentena, maibé mós atu estimula ekonomia.

Programa hirak-ne'e ida mak subsidiu uma-kain \$100 kada fulan ba uma-kain sira ho rendimentu ki'ik, ne'ebé koñesidu nu'udar Apoiu Monetáriu ba COVID-19, ka Subsidiu Uma-Kain \$100. Maske programa ida-ne'e anunsiu ona molok atividade koleta dadus iha fulan Maiu, maibé distribuisaun ba pagamentu ida-ne'e foin mak hahú implementa iha fulan Juñu. Programa apoiu nian sira seluk inklui subsidiu eletrisidade ho valór \$15 kada fulan, subsidiu 60% ba saláriu traballadór nian, inklui konduktor mikrolét no taksi sira no mós mikroempréstimu ba empreza sira. Aleinde kampaña sensibilizasaun no informasaun ba COVID-19 nian sira seluk, governu mós lansa

programa Eskola ba Uma, programa aprndeizajen remota ida ba estudante sira ne'ebé izola an iha uma. Iha momentu rekolla ba dados nian maioria labarik sira hahú eskola filafali ona.

Iha kotuk ba medida sira iha leten ne'e, Timor-Leste hasoru daudaun virajen política ida ho mudansa resente ba aliansa partidária sira iha Parlamentu no mós nomeasaun ba Ministru foun nain 8. Sorte di'ak, Timor-Leste to'o agora konsege evita impaktu ne'ebé aat liu husi pandemia ne'e kompara ho nasaun barak seluk, ho número kazu ne'ebé ki'ik. Konsiderasaun tuirmai mak impaktu ekonómiku longuprazu husi Estadu Emerjénsia nian, no estratéjia sira ba rekuiperasaun ekonómiku nian.

Peskiza ne'e hala'o ba sé?

Fundasaun Ázia serbisu hamutuk ho povu Timor-Leste kuaze besik tinan 30 ona hodi haree ba asuntu sira hanesan empregu, direitus feto nian, no polisiamentu komunitária, no komisiona peskiza ida-ne'e. Rezultadu sira sei uza hodi halo advokasia ba Governu Timor-Leste no doador sira ba kestaun sira relaciona ho COVID-19. Peskiza ida-ne'e hetan apoiu husi Governu Australianu através Ministériu Negósius Estranjeiru no Komérsiu (DFAT).

Peskiza ne'e hala'o oinsá?

Entre loron 18 no 27 fulan Jullu, entru atendimentu ida bazeada iha Dili mak hala'o entrevista 404 ho ema adultu sira iha Timor-Leste, uza lista amostra ida husi respondente sira ne'ebé uluk partisipa iha Fundasaun Ázia nia levantamentu Tatoli no mós Polisiamentu Komunitária nian. Ida-ne'e hatutan levantamentu ida kuaze idéntiku ne'ebé hala'o iha fulan Maiu, ne'ebé sei uza hodi kompara mudansa husi tempu ba tempu. ORIMA Research (Austrália) serbisu hamutuk ho Fundasaun Ázia iha elaborasaun ba kestionáriu no metodolojia koleta dados, realiza verifikasaun ba kualidade dados, no mós halo análise no relatóriu. Detalle barak tan bele haree iha seksaun metodolojia husi relatóriu ida-ne'e. Rezultadu kompletu husi levantamentu ne'e mós disponível iha plataforma Vizualizasaun Q2i: surveys.asiafoundation.org/Dashboard?SurveyCode=TLCV

Futuru

Espera katak levantamentu ida-ne'e sei hala'o filafali iha intervalu fulan 2 nia laran to'o fulan Juñu 2021 atu haree oinsá komidade hetan mudansa husi tempu ba tempu. Relatóriu ida-ne'e no plataforma vizualizasaun Q2i nian sei atualizadu subsekuentementu hodi refléta dados ida-ne'e.


Rezultadu sira

Preokupasaun sira ne'ebé boot liu

Iha fulan **Jullu 2020**, respondente barakliu mak sente katak Timor-Leste la'o ba diresaun **loos** (54%) duké diresaun ne'ebé sala (40%) – fó pontuasaun líkida +14%. Ida-ne'e mudansa pozitivu ida substansiál husi fulan Maiu 2020, bainhira respondente barakliu mak sente katak Timor-Leste la'o ba diresaun sala (58%) duké ba diresaun loos (38%) – fó pontuasaun líkida -20%.

Respondente sira ho idade 25-34 provável liu atu hanoin katak Timor-Leste la'o ba diresaun sala (53%) kompara ho respondente sira ho idade 17-24 (31%). Grupu sira seluk provável liu atu hanoin katak Timor-Leste la'o ba diresaun sala inklui ema sira ne'ebé dezempregadu (54%), respondete sira ne'ebé akompaña notísias loroloron (44%) no mós respondete sira ne'ebé muda hela-fatin bainhira deklarada Estadu Emerjénsia (52%).

Iha fulan **Maiu**, respondente sira provável liu atu hanoin katak Timor-Leste la'o ba diresaun **sala** se sira hela iha li'ur ba Dili (61%) kompara ho sira mak hela iha Dili (49%). Maibé, diferença iha lokal nian ida-ne'e la observa iha



fulan Jullu. Feto no mane sira hotu-hotu iha probabilidade hanesan atu dehan katak nasaun ne'e la'o ba diresaun loos iha fulan Maiu no Jullu.¹

Dezafiu boot liu mak
Timor-Leste hasoru

COVID-19

52%

(Maiu: 61%)

Dezafiu sira seluk

Polítika – 19%
Ekonomia fraku – 16%


Maioria respondente sira sei hateten nafatin katak dezafiu boot liu ne'ebé Timor-Leste hasoru mak COVID-19, inklui ninia impaktu ba saúde (52%, maske menus liu uitoan de'it duké 61% iha fulan Maiu). Problema polítika (19%) nafatin nu'udar dezafiu sekundáriu. Ekonomia ne'ebé fraku (16%) ne'e konsideradu nu'udar dezafiu ida boot uitoan duké iha fulan Maiu (10%).

Hanesan ho fulan Maiu, ema sira iha Dili preokupadu liu kona-ba ekonomia ne'ebé fraku (23% iha fulan Jullu). Respondente sira ne'ebé akompaña notísias kona-ba COVID-

19 provável liu atu fiar katak COVID-19 mak nu'udar úniku dezafiu ne'ebé boot liu (54%) duké sira ne'ebé lae (36%).

Iha fulan Jullu, COVID-19 nafatin nu'udar asuntu ida dominante ba ema individuál sira (75%) no mós sira-nia komunidadade (70%), maske ho proporsaun ne'ebé menus liu duké iha fulan Maiu. Asuntu sira hanesan ekonomia ne'ebé fraku (72%), problema polítika (48%) no empregu (21%) ne'e prevalente liu ba komunidadade sira iha fulan Jullu. Falta iha transporte públiku nian ladún sai ona kestaun ida ba komunidadade (14% iha fulan Jullu, tun ba 41% iha fulan Maiu). Hanesan ho fulan Maiu, problema polítika ne'e temi dalabarak liu ba ema individuál sira (59%) duké komunidadade sira (48%).

Problema 3 ne'ebé boot liu nu'udar ema individuál no ita-nia komunidadade (Resposta liu ida, hatudu problema ualu ne'ebé komún liu)




Respondente sira ladún preokupadu ona kona-ba maioria husi impaktu COVID-19 nian kompara ba fulan Maiu. Ida-ne'e inklui agora iha ona osan suficiente ba sira-nia família (50% iha fulan Jullu, 73% iha fulan Maiu) no iha futuro (54% iha fulan Jullu, 73% iha fulan Maiu). Maske to'o iha grau ne'ebé ki'ik, pesoalmente preokupasaun mós sai-menus ona entermusde risku saúde husi COVID-19 (59% iha fulan Jullu, 71% iha fulan Maiu) no mós ba família ka kolega sira (56% iha fulan Jullu, 67% iha fulan Maiu). Diminuisaun sira seluk entermusde preokupasaun sira inklui seguransa alimentár (56% iha fulan Jullu, 68% iha fulan Maiu) no seguransa/protesaun (57% iha fulan Jullu, 67% iha fulan Maiu).

La'ós de'it katak preokupasaun sira ein jerál ne'e hetan ona mudansa balun husi fulan Maiu to'o Jullu, nune'e mós ho variaun sira balun ne'ebé haree iha grupu oioin iha komunidadade laran. Iha fulan Maiu, ema sira iha Dili

¹ Diferensas jéneru nian ne'e nota iha parte análise nian bainhira observa kona-ba ida-ne'e. Haree seksaun metodolojia nian hori hetan detalles.


Iadún preokupadu ona kona-ba seguransa alimentár, maibé diferença ida-ne'e la aparente iha fulan Jullu. Iha fulan Jullu, mane sira preokupadu liu kona-ba pontus lubuk ida, inklui iha osan suficiente ba família agora (56% mane, 45% feto), risku saúde husi COVID-19 nia ba família ka kolega sira (61% mane, 50% feto) no seguransa alimentár (61% mane, 50% feto), maske diferença hirak ne'e la aparente iha levantamentu fulan Maiu nian.

Iha momentu ida-ne'e, karik ita-boot preokupadu liu kona-ba:




Medidas prevensaun no hahalok kuidadu saúde nian

Bainhira husi iha fulan Jullu, 74% husi respondente sira to'o iha momentu balun halo ona auto-kuarentena, kompara ba 58% iha levantamentu fulan Maiu nian. Ida-ne'e inklui porsentu 17 mak agora daudaun iha kuarentena (diminuisaun ida husi 27% iha fulan Maiu). Respondente sira ne'ebé fiar ba fonte seluk aleinde televizaun nu'udar sira-nia fonte ba informasaun kona-ba COVID-19 nian provável liu atu sei nafatin iha auto-kuarentena (34%). Auto-kuarentena ne'e tuir ami-nia intensaun katak bainhira ema ida ka família ida hela de'it



Hahalok seguru hasoru COVID-19 (aplikável liuhotu) iha semana liubá



Iha uma, exetu ba tarefa esensíal sira hanesan sosa hahán ka ba halo tratamentu médiku. Maski maioria respondente sira sei kumpri nafatin hahalok sira prevensaun ba COVID-19 nian iha fulan Jullu, proporsaun ba sesé de'it mak hahalok ne'e aplikável 'liuhotu' sai-menus ona ba pontus lubuk ida. Ida-ne'e inklui serbisu husi uma (-12%), evita fatin públuku sira (-11%) no kumpre ijiene ba liman (-10%). Iha mós diminuisaun

entermusde mantein distánsia metru rua (-8%) no uza máskara (-8%). Hahalok sira seluk hanesan hela de'it iha uma no la partisipa iha reuniaun sosiál sira ne'e hanesan ho fulan Maiu nian.

Iha fulan Jullu, ema sira iha Dili menus provável atu kumpre hahalok hirak ne'e (53-65%) duké ema sira iha li'ur ba Dili (67-82%) – padraun ida-ne'e mós observa iha fulan Maiu. Ema sira ne'ebé hela hamutuk iha hela-fatin ida bainhira deklara Estadu Emerjénsia ne'e provável liu atu hatete katak hahalok sira-ne'e aplika ba sira (72-87%) kompara ho ema sira ne'ebé muda hela-fatin (31-57%). Porsentu haatnulu resin-hitu husi respondente sira mak dehan katak hahalok hitu ne'e hotu aplika ba sira, ho 10% mak indika katak hahalok sira-ne'e nein ida mak aplika ba sira – hanesan ho proporsaun sira iha fulan Maiu.

Se ita hetan sintomas, ita-boot sei:		
Maiu	Jullu	
93%	94%	Ba ospital ka klinika saude ida
91%	78%	Fó-hatene ba ema sira iha hau-nia sorisorin
84%	79%	Hela de'it iha uma
95%	86%	Sei halo pelumenus rua husi pontu iha leten
75%	66%	Sei halo tolu ne'e hotu husi pontu iha leten

Iha fulan Jullu, maioria boot husi ema sira ne'ebé ho sintomas COVID-19 nian informa katak sira sei nafatin ba ospital (94% iha fulan Jullu, 93% iha fulan Maiu). Nu entantu, proporsaun ki'ik mak sei fó-hatene ba ema sira iha sira-nia sorisorin (78% iha fulan Jullu, 91% iha fulan Maiu) ka hela de'it iha uma (79% iha fulan Maiu, 84% iha fulan Jullu).


Hanesan ho fulan Maiu, respondente sira ne'ebé la asesu loroloron ba televizaun, rádiu ka jornal ne'e menus provável atu fó-hatene ba ema iha sira-nia sorisorin se karik sira iha sintomas (66%), hanesan ba feto sira (73% feto, 83% mane). Sira ne'ebé serbisu iha sektór la'ós agrikultura nian (69%) menus provável atu hela de'it iha uma kompara ho sira ne'ebé serbisu iha agrikultura (83%).

Konfiansa ba Governu


Iha fulan Jullu, proporsaun ida aas husi respondente sira mak fiar ba governu atu tau-matan ba nia sidadaun sira durante COVID-19 (64%) kompara ba fulan Maiu (49%). Proporsaun husi ema sira ne'ebé ladún konfia ba governu ne'e sai-menus ona (18% iha fulan Jullu, 33% iha fulan Maiu).

Konfiansa ne'e aas liu ba uma-kain sira ne'ebé iha li'ur ba Dili (69%) duké ema sira iha Dili (48%). Hanesan ho fulan Maiu, ema sira ne'ebé hetan impaktu negativu ida ba sira-nia rendimentu uma-kain nian tanba COVID-19 ne'e iha konfiaans aas liu (88%).

Boot oinsá ita-nia konfiansa ba governu atu tau-matan ba nia sidadaun sira durante COVID-19?



Oinsá ita-nia hanoin kona-ba reasaun husi...



Respondente sira sai konsistente nafatin hodi hanoin katak reasaun governu nian ne'e adekuaudu (52-53%) no mós katak Timor oan sira-nia reasaun ne'e adekuaudu (49-52%). Proporsaun husi ema sira ne'ebé hanoin katak reasaun governu no populasaun nian lanatoon ne'e sai-menus ona husi fulan Maiu to'o Jullu.


Iha fulan Jullu, grupu sira inklui ema sira ho idade 35-44 (22%), mane (15%), ema sira iha Dili (27%), no ema sira ne'ebé muda ona hela-fatin bainhira Estadu Emerjénsia ne'e deklarada (23%) provável liu atu dehan katak reasaun atuál governu nian ne'e lanatoon. Ema sira ne'ebé dezempregadu provável liu atu dehan katak reasaun ne'e estremu liu (50%).

Porsentu haatnulu (40%) husi respondente sira hanoin katak Governu hapara Estadu Emerjénsia ne'e iha momentu ne'ebé loos kedas. Nu entantu, proporsaun hanesan (38%) mak hanoin katak Governu hapara tarde liu. Proporsaun ki'ik ida (19%) mak hanoin katak hapara sedu liu.

Respondente sira iha Dili provável liu atu dehan katak Governu hapara iha momentu ne'ebé loos kedas (53%) no menus provável atu dehan katak hapara tarde liu (23%). Iha li'ur ba Dili, respondente sira menus provável atu dehan katak hapara iha momentu ne'ebé loos kedas (35%) maibé provável liu atu dehan katak hapara tarde liu (43%).


Grupus sira seluk ne'ebé provável liu atu hanoin katka restrisaun sira-ne'e hapara tarde liu ne'e inklui traballadór sira sektór agrikultura nian (45%), fatin sira ne'ebé mak merkadu sira sei taka nafatin (49%) no ema sira ne'ebé la akompaña notísias kona-ba COVID-19 (63%).

(Jullu) Tuir ita-nia hanoin Governu hapara Estadu Emerjénsia...



Uzu no satisfasaun ho governu nia programa sira


Se uma-kain ida-ne'e simu Apoiu Monetária/ subsidiu ba uma-kain nian husi governu, prinsipalmente ita-boot sei uza ba saida?



Programa ida husi programa dahuluk sira ne'ebé anunsia husi governu mak **Osan Subsidiu ba Uma-kain**, ne'ebé mós koñesidu nu'udar Apoiu Monetáriu ba COVID-19. Porsentu neenulu resin-tolu husi uma-kain sira mak simu tiha ona pagamentu ida-ne'e, no 81% informa katak sira uza ida-ne'e hodi sosa hahán. Uzu prinsipál ida seluk husi pagamentu ne'e mak ba despezas uma-laran nian (10%).

Respondente sira provável liu atu indika katak sira sei uza osan ne'e ba hahán se sira iha idade 25-34 (90%), hela iha Dili (88%), nu'udar dezempregadu (96%) ka muda hela-fatin bainhira Estadu Emerjénsia ne'e deklara (91%). Respondente sira provável liu atu indika katak sira sei uza osan ne'e ba despezas jerál uma-laran nian se sira iha idade 45+ (15%) ka bainhira la elejível ba susídiu eletridade (19%).


Depoizde halo tiha pagamentu Subsidiu ba Uma-Kain nian karik folin ba sasán sira hanesan foos ka mina te'in nian hetan mudansa iha ita-nia merkadu lokál?



Un-tersu husi respondente sira mak haree katak folin sasán nian aumenta ona iha sira-nia merkadu lokál depoizde pagamentu subsidiu ba Uma-Kain nian realiza. Ida-ne'e aas liu iha Dili (45%) duké iha li'ur ba Dili (29%). Iha fatin sira ne'ebé mak merkadu sira loke ona (37%), uma-kain sira sei halo hela kuarentena (40%) no respondente sira seidauk simu Subsidiu ba Uma-Kain (44%), sasán folin aumenta ne'e ema temi barakliu, maibé la'os estatísticamente signifikante.

Porsentu neenulu resin-sia husi respondente sira hatudu katak sira-nia uma-kain elejível duni (simu tiha ona osan ka hein hela ba osan ne'e) ba **subsidiu eletridade** nu'udar parte husithe governu nia programa apoiu. Elejibilidade ba subsidiu eletridade ne'e hanesan iha fulan Maiu (69%). Ba uma-kain sira ne'ebé mak elejível ba susídiu eletridade (69%), maioria (93%) mak simu tiha ona osan ne'e. Kompara ba fulan Maiu, proporsaun aas mak hatudu katak sira-nia uma-kain elejível duni ba **empréstimus mikroempreza nian** (31% iha fulan Jullu, 12% iha fulan Maiu) no mós **subsidiu ba saláriu traballadór** (30% iha fulan Jullu, 11% iha fulan Maiu).

Karik ema ruma iha uma-kain ida-ne'e nia laran mak simu apoiu seluk ruma hanesan parte husi governu nia programa ba pakote sósio-ekonómiku/estímulo/rekuperasaun?




Husu ona ba respondente sira kona-ba oinsá sira satisfeitu ho subsídium ida-idak. Ba ema sira ne'ebé elejível atu simu subsídium ida-idak, respondente sira fó klasifikasaun aas liuhotu ba subsídium eletridade, ho 91% mak klasifika ida-ne'e katak pelumenus di'ak. Proporsaun ki'ik ida mak klasifika subsídium ba saláriu traballadór (79%) no empréstimus mikroempreza nian (75%) katak pelumenus di'ak.


Satisfasaun ne'e amplamente hanesan ba fulan Maiu, ho exesaun ba empréstimu mikroemprezas, ne'ebé sai-menus husi 82% ba 75%.

Hanesan ho fulan Maiu, iha fulan Jullu, satisfasaun ba subsídium eletridade no subsídium ba saláriu traballadór nian ne'e menus iha Dili (66% no 61%) duké iha li'ur ba Dili (84% no 80%). Iha-ne'ebé maioria merkadu sira loke ona, satisfasaun ba subsídium tolu ne'e hotu aas liu.

Nível satisfasaun ho apoiu / subsídium husi governu (Ba sira ne'ebé elejível, pelumenus di'ak)



Ita-boot hetan informasaun iha-ne'ebé kona-ba atu simu apoiu husi governu ?



Televizaun ka rádiu ein jerál sei nafatin sai fonte ne'ebé komún liuhotu relasiona ho informasaun kona-ba apoiu husi governu (72% iha fulan Jullu, 78% iha fulan Maiu). Fontes informasaun sira seluk iha fulan Jullu inklui website governu nian (7%), mídia sosiál (7%) no Xefe/lideransa komunitária (5%).


Hanesan ho fulan Maiu, proporsaun ida aas husi respondente sira iha Dili mak hetan sira-nia informasaun husi website governu nian (18%) duké iha li'ur ba Dili (2%), enkuantu respondente sira iha li'ur ba Dili provável liu atu hetan sira-nia informasaun através televizaun ka rádiu (77%) duké ema sira iha Dili (63%).

Porsentu sianulu resin-sia husi respondente sira dehan katak pelumenus labarik sira iha balun iha uma-kain ne'e mak eskola fali ona, ho porsentu sianulu resin-sia, 91% mak informa katak labarik hotu-hotu eskola fali ona.


Governu implementa programa ida hanaran Eskola ba Uma, ne'ebé mós koñesidu nu'udar "Eskola Ba Uma". Programa ne'e dezeña atu bele kobre labarik barak liu bainhira posível no inklui métodu sira liuhusi televizaun, rádiu, online, no distribuisaun ba suratahan/livru. Porsentu ualunulu resin-ida husi uma-kain sira mak hatudu katak labarik sira akompaña programa Eskola ba Uma pelumenus kada semana, ho 37% mak

hatee/akompaña kuaze loroloron. Ida-ne'e hatudu aumentu ida husi fulan Maiu (68% pelumenus kada semana, 28% loroloron). Proporsaun husi uma-kain sira ne'ebé mak labarik sira nunka akompaña programa ne'e sai-menus ona (13% iha fulan Jullu, 27% iha fulan Maiu).


Hanesan ho fulan Maiu, respondente sira ne'ebé uza fonte mídia ida aleinde televizaun atu akompaña informasaun COVID-19 nian provável liu atu nunka hatee ka rona ba programa Eskola ba Uma (38%), hanesan mós ho ema sira ne'ebé la akompaña jornál, rádiu ka televizaun loroloron (25%). Porsentu neenulu husi respondente sira informa katak programa ne'e pelumenus di'ak, aumenta husi 47% iha fulan Maiu.




Oinsá frekuente (dala hira) mak labarik sira iha uma-kain ida-ne'e hatee ka akompaña/rona governu nia programa Eskola ba Uma ?



Saida mak ita-nia nível satisfasaun kona-ba Eskola ba Uma? (Se aplika)



Karik labarik sira iha uma-kain ida-ne'e halo atividades edukasionál seluk?




Akompaña Eskola ba Uma loroloron ne'e asociadu ho satisfasaun ba programa ne'e ein jerál, ho sira hirak ne'ebé nia uma-kain iha labarik mak akompaña programa ne'e pelumenus loroloron, provável liu atu klasifika ida-ne'e katak di'ak ka di'ak tebes (72%) kompara ho sira hirak ne'ebé mak akompaña ladún frekuente (56%) ka nunka (26%). Lahanesan iha fulan Maiu, laiha diferensa entermusde satisfasaun husi respondente sira iha Dili.

Atividades edukasionál seluk inklui inan-aman ka ema boot sira hanorin iha uma (70%, aumenta husi 58% iha fulan Maiu), traballu-de-kaza direktamente husi programa Eskola ba Uma (27%), no traballu-de-kaza husi eskola (21%, aumenta husi 10% iha fulan Maiu).

Apoiu adisionál husi governu

Fó informasaun kona-ba oinsá mak atu asesu ba programa sira apoiu husi governu nian (40%) mak nu'udar resposta ne'ebé komún liuhotu kona-ba saida mak governu bele halo atu apoia ninia sidadaun sira. Ida-ne'e aas liu kompara ho fulan Maiu (17%) no ultrapasa tiha hapara/hakotu Estadu Emerjénsia nu'udar resposta ne'ebé komún liuhotu (33%, tun husi 55% iha fulan Maiu). Fó tan osan ba uma-kain sira mós sai-menus ona entermusde saida mak governu bele halo(28%, tun husi 35% iha fulan Maiu). Informasaun kona-ba prevensaun COVID-19 (26%) no apoiu edukasionál ba labarik sira (24%) ne'e mós komún liu iha fulan Julu.

Durante período ida-ne'e, saida mak governu bele halo liutan hodi fó apoiu ba ninia sidadaun sira?



Hanesan ho fulan Maiu, ema sira iha Dili hakarak hetan informasaun barak tan kona-ba asesu ba apoiu husi governu (61%) kompara ho ema sira ne'ebé iha li'ur ba Dili (33%). Ema sira ne'ebé muda hela-fatin bainhira Estadu Emerjénsia ramata (71%) mós hakarak hetan informasaun barak tan, hanesan ho ema sira ne'ebé fiar ba televizaun nu'udar sira-nia fonte ba informasaun kona-ba COVID-19 nian (75%). Rezidente sira ne'ebé hela iha li'ur ba Dili provável liu atu hakarak governu hapara/hakotu tiha Estadu Emerjénsia (38%), fó tan osan ba uma-kain sira (31%) no fó tan apoiu edukasaun ba labarik sira (27%).

Serbisu sira uma-laran nian



Porsentu ualunulu (80%) husi respondente sira mak hela ho sira-nia kaben ka parseiru ida durante pandemia no estadu emerjénsia. 48% de'it husi ema sira foinsa'e ho idade 17-24 mak hela ho kaben ka parseiru ida, maske diferensa ida-ne'e la signifkante. Só sira ne'ebé hela ho kaben ka parseiru ida durante momentu ida-ne'e mak hetan husu ho pergunta sira tuirmai kona-ba serbisu uma-laran nian.

Maioria respondente sira ne'ebé hela ho parseirus (81%) pelumenus satisfeitu ho maneira oinsá mak sira fahe serbisu uma-laran nian, inklui 13% ne'ebé mak satisfeitu tebes. Porsentu tolunulu resin-neen mak klasifika sira-nia satisfasaun katak pelumenus di'akliu kompara ho molok COVID-19, no 3% de'it mak hanoin katak ne'e hetok sai aat liu.

durante pandemia no Estadu Emerjénsia

Satisfasaun no melloria iha satisfasaun nian ne'e laiha diferensa tuir jéneru. Satisfasaun no melloria iha satisfasaun ne'e aas liu ba uma-kain sira ne'ebé labarik sira seidauk akompaña ka asiste Eskola ba Uma (94% satisfasaun, 48% di'akliu), iha-ne'ebé COVID-19 hamosu impaktu ida negativu ba sira-nia rendimentu (94% satisfasaun, 41% iha melloria) ka iha-ne'ebé maioria merkadu sira taka hotu iha área lokál (87% satisfasaun, 49% iha melloria).

Ita-boot satisfeitu oinsá ho maneira fahe serbisu uma-laran nian iha ita-nia uma-kain?

Pelumenus



Oinsá ita-nia satisfasaun relaciona ho fahe serbisu uma-laran nian kompara ho uluk molok pandemia COVID-19 mosu?


Pelumenus di'ak liu



Feto sira informa katak maioria tempu sira mak hala'o serbisu uma-laran hotu-hotu barakliu duké mane sira. Feto sira (bainhira kompara ba mane) provável liu atu prepara hahán (46% feto sira vs 14% mane), hatoba oan sira (37% vs 5%), fase ropa (37% vs 4%), serbisu uma-laran (36% vs 8%) no hela de'it iha uma ho labarik sira (36% vs 10%). Knaar hirak ne'e mós iha diferensa boot liu entre feto no mane (-29 to -32%).


Knaar sira ne'ebé mane (bainhira kompara ba feto sira) hala'o barak liu ne'e inklui finansas ba uma-kain nian (28% mane vs 29% feto sira), sosa sasán uma-laran (17% vs 28%) no tula labarik sira ba eskola (14% vs 28%).

Distribuisaun ba knaar (persepsaun husi jéneru rasik)



Mane sira hanoin katak sira halo serbisu ne'ebé menus (12% média iha iten hotu-hotu²) kompara ho oinsá feto sira haree ba sira halo serbisu ne'e (24% média iha iten hotu-hotu). Nu entantu, feto sira mós hanoin katak sira halo serbisu ne'ebé menus (33% média iha iten hotu-hotu) kompara ho serbisu ne'ebé mane sira hanoin sira atu halo (44% média iha iten hotu-hotu). Feto sira menus provável atu hanoin katak knaar sira-ne'e fahe hanesan (24%) duké mane (29%).


Persepsaun kona-ba distribuisaun ba knaar (média iha iten hotu-hotu)



² "Média iha iten hotu-hotu" ne'e kalkula hodi foti pontuasaun média ba knaar uma-laran nian 12 ba kategoria ida-idak no fahe tuir jéneru.

Impaktu sosiál no ekonómiku

Karik ita-boot bele dehan katak efeitu husi COVID-19 nian ba ita-boot pesoalmente ne'e mak...




Iha fulan Maiu no Jullu, ema barakliu mak sente katak efeitu husi COVID-19 nian ba aspetu sira husi sira-nia moris nian ne'e sai pozitivu ona envezde negativu.

Iha fulan Jullu, impaktu pesoál husi COVID-19 ba aspetu hotu-hotu mós haree katak menus negativu no hetok sai pozitivu liutan bainhira kompara ba fulan Maiu. Pasa tempu ho família (74% Jullu, 53% Maiu), sente sai parte husi comunidade (71% Jullu, 53% Maiu) no relasaun pesoál (71% Jullu, 49% Maiu) ne'e refere ba hanesan impaktu sira ne'ebé pozitivu liuhotu husi pandemia COVID-19 nian. Impaktu pesoál ba iha serbisu (34%) no rendimentu (34%) ne'e sei nafatin nu'udar impaktu negativu ne'ebé boot liuhotu, maibé, lahanesan iha fulan Maiu, agora iha ona proposaun ida aas ne'ebé hatudu impaktu ida pozitivu (respetivamente 51% no 54%).

Respondente sira ho idade 45+ ne'e hetan impaktu ne'ebé negativu liu entermusde sira-nia persepsaun ba apoiu (20%). Kompara ba mane, feto sira feto sira iha tendénsia atu sai negativu liu entermusde saúde fíziku (24%), saúde mentál(25%), sente katak sosiedade simu sira (22%) persepsaun ba apoiu (19%). Hanesan ho fulan Maiu, ema sira ne'ebé dezempregadu nafatin sente hetan impaktu negativu liu ba sira-nia serbisu (54%) no rendimentu uma-laran nian (63%).

Grupu sira seluk ne'ebé mak jeralmente negativu liu inklui respondente sira ne'ebé fiar katak televizaun nu'udar sira-nia fonte ba informasaun kona-ba COVID-19 nian, ema sira ne'ebé seidak simu subsidiu osan ba Uma Kain, ne'ebé elejível ba subsidiu eletrisidade, subsidiu ba saláriu traballadór no empréstimu mikroempreza nian, no respondente sira ne'ebé la muda hela-fatin bainhira Estadu Emerjénsia ne'e deklarara.

Tuir ita-nia hanoin oinsá mudansa iha ita-nia komidade laran nu'udar rezultadu husi pandemia COVID-19 nian?




Porsentu ualunulu resin-rua fiar katak COVID-19 halo sira-nia komidade sai hamutuk liutan, hatudu amentu ida husi 70% iha fulan Maiu. Respondente sira ne'ebé mak oan sira akompaña Eskola ba Uma lora barak ne'e provável liu atu fiar ba ida-ne'e (87%), hanesan ho respondente sira ne'ebé mak maioria merkadu iha sira-nia área loka ona (93%).


Nu entantu, proporsan ida aas mós fiar katak ema agora sai suspisiozu ka tauk liu ba kazu suspeitu/konfirmadu COVID-19 nian (91% iha fulan Jullu, aumenta husi 78% iha fulan Maiu). Ida-ne'e aas liu entre respondente sira ne'ebé informa katak hetan impaktu ida negativu husi COVID-19 ba rendimentu uma-laran nian (97%) no menus liu ba sira ne'ebé mak la akompaña ona notísias kona-ba COVID-19 (72%). Respondente sira mós hanoin katak Timor-Leste sai menus tolerante hasoru ema mai husi komidade nia li'ur (79% iha fulan Jullu, aumenta husi 64% iha fulan Maiu). Intoleránsia ida-ne'e aas liu iha fatin sira ne'ebé mak merkadu sira sei loka nafatin (92%).

Merkadu barak mak loka ona dezde fulan Maiu (23%), ho un-tersu (33%) mak agora dehan katak maioria merkadu sira loka tiha ona. Porsentu ruanulu resin-haat husi respondente sira dehan katak maioria husi merkadu iha sira-nia área lokal mak sei taka hela, no 42% dehan katak merkadu balun loka tiha ona. Porsentu tolunulu resin-tolu husi merkadu sira mak maioria sei loka nafatin iha respondente sira-nia área lokal. Mane sira provável liu atu dehan katak merkadu sira loka tiha ona (38%) duké fetu sira (28%).

Iha merkadu hira mak loka tiha ona iha ita-nia área lokal?



Iha loron 30 ikus nia laran, karik ita-boot hamenus porsaun ba han ka kesi-kabun tanba laiha osan sufieisente ba hahán?




Hanesan ho fulan Maiu (bainhira nia iha 70%), 67% husi respondente sira indika katak iha loron 30 ikus nia laran dalaruma sira tenke hamenus porsaun ba sira-nia hahán ka kesi-kabun tanba laiha osan sufieisente ba hahán.

Proporsaun ba kesi-kabun nian ne'e aas liu iha Dili (76%) duké iha li'ur ba Dili (64%), nune'e mós ba respondente sira ne'ebé mak la elejível ba subsidiu eletrisidade no mós subsidiu ba saláriu traballadór nian noempréstimus mikroempreza nian (74-75%). Se respondente tenke muda hela-fatin, sira mós provável liu atu kesi-kabun (84%, kompara ba 60% se sira la muda hela-fatin).

Reziliénsia pesoál no komunitária


Konkorda katak...



Apezarde sentimentu katak Timor-Leste sai menus tolerante, kuaze respondete sira hotu (96% iha fulan Jullu, hanesan ho fulan Maiu) konkorda katak ema hotu-hotu iha Timor-Leste bele hela hamutuk iha pás, no mós katak maioria populasauñ iha sira-nia Aldeia prontu atu tulun malu bainhira nesesáriu (95% iha fulan Jullu, hanesan ho fulan Maiu). Iha fulan Jullu, respondente barak liu mak konkorda katak sira halibur rekursus hamutuk hodi benefisia ema hotu (88%, aumenta husi 80% iha fulan Maiu).

Nu entantu, respondente sira barak mós konkorda katak populasauñ iha sira-nia Aldeia só ajuda malu se bainhira sira iha relasaun raan (89% iha fulan Jullu, aumenta husi 76% iha fulan Maiu) no mós katak populasauñ iha sira-nia Aldeia ne'e laiha konfiansa ba malu (46%, aumenta husi 27% iha fulan Jullu).

Pelumenus akontese dalaruma



Respondente sira ne'ebé mak hela iha Dili provável liu atu konkorda katak ema iha sira-nia Aldeia laiha konfiansa ba malu (59%). Respondente sira ne'ebé akompaña mídia loroloron (59%) no sira ne'ebé muda ona hela-fatin bainhira Estadu Emerjénsia ne'e deklara (71%) ne'e mós provável liu atu konkorda ho ida-ne'e.


Iha fulan Jullu, 74% respondente sira dehan katak pelumenus dalaruma ema halo serbisu projetu hamutuk (aumenta husi 58% iha fulan Maiu), fó ajuda ba kolega ka viziñu sira (69%, aumenta husi 58%) no simu ajuda husi kolega ka viziñu sira (66%, aumenta husi 52% iha fulan Maiu). Kompara ba fulan Maiu, proporsaun hanesan dehan katak kolega no viziñu sira ba husu konsellu iha sira (68% iha fulan Jullu). Iha viziñu sira mai husu konsellu ne'e akontese pelumenus liu dala balun iha li'ur ba

Dili (72%) duké iha Dili (59%). Respondente sira ne'ebé hetan impaktu negativu ida ba sira-nia rendimentu tanba COVID-19 (40-52%) ka la akompaña mídia loroloron (50-54%) menus provável atu halo interasaun ho sira-nia viziñu.

Maizumenus un-kuartu husi respondente sira hanoin katak pelumenus dalaruma loos duni katak sira bele adapta ba mudansa no sira bele rekupera dali depoizde hetan moras ka tempu susar. Proporsaun ida-ne'e menus liu uitoan de'it kompara ho fulan Maiu (respetivamente tun ba 90% no 82%). Proporsaun husi respondente sira ne'ebé hanoin tebes duni katak sira bele adapta ba mudansa sai-aumenta ona (23% iha fulan Jullu, aumenta husi 9% iha fulan Maiu).

Ema sira ne'eb'e nunka halo auto-kuarentena provável liu atu hanoin katak deklarasaun rua ne'e pelumenus dalaruma loos duni (94% ba deklarasaun rua ne'e hotu) kompara ho ema sira ne'ebé anteriormente (75%) ka atualmente (53-54%) iha auto-kuarentena. Deklarasaun rua ne'e hotu menus provável atu pelumenus sai loos duni ba ema sira ne'ebé hetan ona impaktu negativu ba sira-nia rendimentu tanba COVID-19 (64-65%) ka sei iha merkadu barak mak taka hela (51-55%).

Halonu'usa mak pontu sira tuirmai ne'e deskreve kona-ba ita-boot?




Relasaun sira-ne'e pelumenus di'ak ho familia (91%), viziñu (89%) no komunidadade ein jerál (88%). Ida-ne'e hanesan ho fulan Maiu. Bainhira kompara ba fulan Maiu, iha fulan Jullu, iha proporsaun ne'ebé menus uitoan bainhira klasifika sira-nia relasaun katak di'ak tebes (34-43%). 25-28% sente katak relasaun ho grupu tolu ne'e hotu iha ona melloria dezde Estadu Emerjénsia.


Relationships provável liu atu be pelumenus di'ak iha li'ur ba Dili (93-96%) duké iha Dili laran (74-76%), maibé menus provável atu sai di'ak se respondente sira muda hela-fatin bainhira Estadu Emerjénsia ne'e deklara (82-83%).

Relasaun ne'e menus provável atu hetan melloria ba respondente sira ho idade 17-24 (17%) bainhira kompara ho respondente sira ho idade 25-34 (35-37%). Relasaun sira-ne'e mós significativamente sai di'akliu se bainhira merkadu sira sei taka hela iha área lokál (43-46%) duké se bainhira sira loke (13-23%).

Oinsá mak ita klasifika ita-nia relasaun ho...



Dezde inísiu Estadu Emerjénsia, karik ita-nia relasaun...




Notísias no informasaun

Iha fulan Jullu, maneira oinsá mak respondente sira akompaña notísias no informasaun ne'e maioria hanesan ho fulan Maiu. Porsentu sianulu resin-rua mak sei akompaña nafatin notísias kona-ba COVID-19 maske depoizde Estadu Emerjénsia ramata ona. Respondente sira ho idade 17-24 provável liu atu akompaña (97%), kompara ho respondente sira ho idade 35-44 (76%).


Porsentu ualunulu resin-tolu husi respondente sira mak haree iha televizaun pelumenus dala balun iha semana ida nia laran, ho 64% mak haree/akompaña husi televizaun loroloron. Ida-ne'e aas liu duké uza mídia sosiál no internét (63% pelumenus dala balun iha semana ida nia laran, 38% loroloron) no rádiu (54% pelumenus dala balun iha semana ida nia laran, 23% loroloron). Jornál nu'udar mídia ne'ebé ema ladún asesu dala barak (30% de'it mak pelumenus dala balun iha semana ida nia laran, 10% loroloron). Uza rádiu loroloron ne'e kuaze sai-menus ona uitoan (23% iha fulan Jullu, 33% iha fulan Maiu).

Haree/akompaña husi televizaun ne'e komún liu iha Dili (91%) duké iha li'ur ba Dili (80%), embora uza rádiu ne'e komún liu iha li'ur ba Dili(58%) duké iha Dili (45%). Ema sira foinsa'e ho idaded 17-24 provável liu atu haree televizaun (93%) no uza mídia sosiál (80%) Respondente sira ne'ebé serbisu iha sektór agrikultura nian menus provável atu haree televizaun (75%), lee jornál loroloron (23%), ka uza internét (51%) pelumenus dala balun iha semana ida nia laran.



Sei akompaña nafatin notísias COVID-19 nian depoizde Estadu Emerjénsia ramata

Oinsá frekvente (dala hira) mak ita-boot uza tipu diferente husi média no divertimentu nian?



Iha sira-nia uma-laran,


75% La uza lisuk sira-nia telefone ho ema seluk, no

75% Asesu internét uza telefone

Tres-kuartu husi respondente sira iha sira-nia telefone rasik, ho proporsaun hanesan mak nu'udar na'in rasik, ka hatene ema ruma iha sira-nia uma-laran mak iha asesu ba internét ka mídia sosiál iha sira-nia telefone (75%).³

Só sira ne'ebé hela iha Dili mak provável liu atu hetan asesu ba internét iha telefone (84%) kompara ho ema sira ne'ebé mak hela iha li'ur ba Dili (72%). Ema sira ne'ebé serbisu iha sektór agrikultura nian menus provável atu hetan asesu ba internét iha telefone (67%) kompara ho ema sira ne'ebé serbisu iha área sira la'ós agrikultura nian (86%). Porsentu sianulu resin-tolu husi ema sira iha uma-kain laran ne'ebé hetan asesu internét husi telefone ne'e uza mídia sosiál loroloron.

Website ka aplikativu 5 a'as liu ne'ebé uza dalabarak liu




Website ka aplikativu ne'ebé uza barakliu mak Facebook (83%), tuir mak WhatsApp (42%), YouTube (32%), no Instagram (16%). Utilizasaun ba website ka aplikativu haat ikus ne'e sai-aumenta ona dezde fulan Maiu. Respondente sira ho idade 17-24 mak provável liu atu uza Facebook (97%), WhatsApp (58%) no Instagram (25%). Utilizasaun ba YouTube ne'e menus iha Dili (22%).


Iha fulan Jullu, COVID-19 nafatin nu'udar tópiku ne'ebé ema akompaña besik tebes, ho dois-tersu husi respondente sira mak akompaña tópiku ida-ne'e pelumenus besik natoon (65%). Polítika nasionál (60%) no lokál (55%) mós ema akompaña besik liu. Iha fulan Maiu, rezidente sira ne'ebé hela iha Dili signifkativamente provável liu atu akompaña notísias kona-ba COVID-19, polítika nasionál, polítika lokál no asuntu mundiál. Iha fulan Jullu, nu entantu, padraun hirak ne'e la aparente. Mane sira provável liu atu akompaña polítika lokál nian (61%) duké fetu sira (50%).

³ Tanba levantamentu ne'e hala'o liuhusi telefone, respondente hotu-hotu iha asesu ba telephone. Hanesan komparasaun ida, iha 2018, porsentu 76 husi respondente sira mak fó número telefone ida no porsentu 33 de'it husi respondente sira mak dehan katak sira iha asesu ba internét.

Oinsá besik/di'ak mak ita-boot akompaña tópiku sira tuirmai ne'e?



Saida mak fonte ba notísias no informasaun nian ne'ebé ita-boot konfia liuhotu?



Televizaun nafatin n u'udár fonte informasaun ne'ebé konfia liu atu akompaña informasaun COVID-19 nian (85% Jullu, 80% Maiu) no mós notísias no informasaun sira seluk(81% Jullu, 75% Maiu). Rádiu nu'udar fonte notísias segundu ne'ebé ema konfia liu (5% ba COVID-19 no 6% jeralmente), maske menus uitoan duké iha fulan Maiu (respetivamente 12% no 17%).


Respondente sira ne'ebé akompaña Eskola ba Uma ne'e provável liu atu konfia ba televizaun (90% / 91%).

Respondente sira iha Dili provável liu atu fiar ba televizaun (91% COVID-19, 88% notísias no informasaun).


Respondente sira ne'ebé dehan katak sira fiar liu ba televizaun atu hetan notisia no informasaun sira seluk (81%) hetan husu kona-ba estasaun saida mak sira haree/akompaña. Iha fulan Jullu, GMN (81%) fraksionalmente ultrapasa RTTL (80%) nu'udar estasaun televizaun ne'ebé ema haree/akompaña dalabarak liu (Iha fulan Maiu, 76% mak haree/akompaña RTTL no 67% haree/akompaña GMN). RTTL, nu entantu, nafatin nu'udar kanál ne'ebé ema haree dalabarak liu iha li'ur ba Dili (86%) kompara ho ida Dili laran (65%). Respondente sira ne'ebé sei akompaña nafatin notísias kona-ba COVID-19 nian ne'e provável liu atu haree RTTL (81%).

Respondente sira ne'ebé dehan katak sira fiar liu ba rádiu atu hetan notisia no informasaun sira seluk (6%) hetan husu kona-ba estasaun estasaun saida de'it mak sira bá⁴. Hanesan ho fulan Maiu, iha estasaun lubuk ida mak sira sintoniza kompara ho número kanál televizaun sira ne'ebé sira haree/akompaña. Liu ida husi respondente nain lima mak informa katak sira sintoniza ba RTTL (46%), Rádio Maubere (42%), no GMN (33%). Entre grupu ne'ebé relativamente ki'ik husi uzuáriu rádiu nian ida-ne'e, Radio Falentil hetan aumentu boot liu nu'udar estasaun ne'ebé ema barak sintoniza (27%, aumenta husi 10% iha fulan Maiu).


Kanál televizaun saida mak ita-boot sira haree/akompaña dala barak liu?



Estasaun rádiu saida mak ita-boot sira rona bá dala barak liu?



Dezafiu 5 ne'ebé aas liu relasiona ho asesu ba informasaun



Hanesan ho fulan Maiu, besik metade husi respondente sira mak dehan katak sira-nia dezafiu prinsipál ida atu asesu ba informasaun nian mak katak fundus limitadu (47%). Tempu limitadu atu dedika ba mídia no informasaun ne'e nu'udar dezafiu ida ne'ebé aumenta daudaun relasiona ho asesu ba informasaun (24%, aumenta husi 8% iha fulan Jullu).

Un-kwartu husi respondente sira had la hasoru dezafiu atu asesu ba


informasaun, no ida-ne'e aas liu entre respondente sira ho idade 17-24 (34%). Fundus limitadu atu selu ba koneksaun ne'e sai dezafiu boot ida iha Dili (66%), no laiha fatin atu asesu ne'e ladún sai dezafiu ba ema sira iha Dili (7%).

⁴ Análize rádiu nian representa de'it respondente nain 23 no tenke interpreta ho kuidadu.


Perfil Respondente nian

Rezultadu sira ba Distritu, Jéneru no Idade ne'e uza dadus ponderadu. Variável hirak-ne'e rasik uza hanesan variável ba ponderasaun nian – no detalles liutan nune'e mós ho sira-nia pontus-korte ida-idak nian bele haree iha seksaun metodolojia.


Distritu




Jéneru (Maiu no Jullu)




Idade




Númeru média husi ema adultu no labarik sira ne'ebé hela iha ita-nia uma-kain (inklui respondente)




Ita-nia okupasaun mak saida?




Ita-boot serbisu iha-ne'ebé? (se serbisu – seluk)




Karik ita-nia uma-kain simu ona pagamentu ruma husi governu?




Iha loron baibain, lori tempo hira ba ita-boot atu la'o hodi ba kuru bee?



Karik ita-nia empregadór...



Se ita-boot empregadu, karik ita-boot serbisu oras barakliu, menus ka hanesan ho molok Estadu Emerjénsia?




27% Muda hela-fatin durante EE, ne'ebé mak

64% Agora fila hikas ona ba hela-fatin baibain

27% Iha ema barak liutan hela iha sira-nia uma, ne'ebé mak

50% Sei nafatin hela iha uma

Númeru husi ema adisioná (Se iha ema barak liutan mak hela iha sira-nia uma)



Metodolojia

Kestionáriu ne'e dezenvolve halonu'usá?

Fundasaun Ázia mak lidera dezenvolvimentu ba kestionáriu, ho ORIMA Research mak fó konsellu bainhira apropriadu. Pergunta sira foti husi peskiza anteriór ne'ebé Fundasaun Ázia realiza ona, nune'e mós ho ORIMA Research nia levantamentu ba Rastrei Rekuperasaun COVID-19 (Recovery Tracker survey), entre levantamentu internasionál seluk ba COVID-19 nian. Kestionáriu fulan Jullu nian ne'e kuaze idéntiku ho fulan Maiu nian, ho seksaun foun ida kona-ba serbisu sira uma-laran nian no mós modifikasaun ki'ik balun. Fundasaun Ázia mak supervizona programasaun no tradusaun ba kestionáriu sir aba iha Open Data Kit (ODK), plataforma software ida ba levantamentu nian ho kódigo nakloke (open-source survey software platform).

Oinsá mak dezenvolve kuadru amostra nian no mós oinsá ho ninia efikasias?

Kuadru amostra ba levantamentu ida-ne'e foti husi Fundasaun Ázia nia levantamentu sira iha pasadu ba programa Tatoli no Polisiamentu Komunitária nian ne'ebé halo hodi hasoru malu direktamente. Limpeza ba amostra ne'e envolve remosaun ba número sira ne'ebé mamuk/inválidu/duplikadu (n=6,344).

Wainhira liga ba número ida no ema seluk ida mak responde/hatán, entaun ema ida-ne'e mós bele kompleta peskiza ne'e. Embora foti ona medidas hodi halo peskiza ida-ne'e sai representativa bainhira posível, maibé amostra husi projetu ida-ne'e nian klasifikadu nu'udar probabilidade-laek.

Entrevista telefónica ne'e hala'o halonu'usá?

Atu hala'o serbisu terrenu nian, Fundasaun Ázia halo parseria ho ONG ida bazeada iha Dili hanaran MDI. Maioria entrevistadór sira-ne'e mak anteriormente serbisu ona iha projetu sira ho Fundasaun Ázia, no sira barak mak serbisu ona iha ronda rua ne'e hotu husi levantamentu nian. Funsionáriu husi Fundasaun Ázia nian mak halo filafali xamada ba fins validasaun nian, no la deskobre asuntu boot ruma. Monitorizasaun mós hala'o husi Fundasaun Ázia nia funsionáriu sira.

Iha fulan Maiu no Jullu, kuaze levantamentu hotu-hotu hala'o iha lian-Tetum, ho entrevista uitoan de'it mak hala'o iha Fatuluk, Bahasa Indonesian ka Baikenu. Respondente sira simu pulsa telefone \$2 ba sira-nia partisipasaun iha peskiza ne'e.

	Maiu	Jullu
Lista amostra⁵	2,307	1,192
Xamada ne'ebé halo	2,123	1,240
Ema sira ne'ebé susesu husi número iha amostra	232	215
Entrevista susesu ho ema sira ne'ebé listadu iha amostra	232	379
Lakohi/rekuza	30	47
Número sira ne'ebé la funsiona	1,666	619
Reservas	35	159
Taxa resposta⁶	10.0%	18.0%
Konkluzau ba fonte sira ne'ebé laiha lista	168	189
Permisaun atu kontaktu fali	417	402
Kontaktu fali ba número	27	30
Kazu sira ne'ebé hasai tiha	4	0
Konjuntu dados final	423	404
Serbisu terrenu hahú (2020)	19 Maiu	18 Jullu
Serbisu terrenu ramata (2020)	25 Maiu	17 Jullu
Durasaun média husi entrevista⁷	47m25s	41m30s
Número entrevistadór sira iha projetu	14	19

⁵ Iha fulan Maiu, kazu 2,307 de'it mak konsege halo xamada husi lista amostra nian. Iha fulan Jullu, enumeradór sira foka ba kuoata sira ne'ebé susar atu hetan husi lista kompletu amostra nian ho número hamutuk 7,293 (tanba lista amostra nian ne'e kontein informasaun kona-ba jéneru no lokál husi respondente sira). Número 1,192 mak sorteadu uza métodu ida-ne'e.

⁶ Taxa resposta ne'e kalkuladu ho número peskiza final ne'ebé finaliza mai husi kuadru amostra nian fahe/divide ba número husi número telefone válidu sira ne'ebé uza husi kuadru amostra nian.

⁷ Esklui kazu 25 / 29 iha-ne'ebé nia durasaun liu oras 4, provável liu tanba lahanehan butaun final atu "submete/submit".

Medidas saida mak foti ona hodi garante katak dadus ne'e reprezenta duni populasaun iha Timor-Leste?

Peskiza ne'e dezeña atu sai representativu to'o iha pontu posível ba populasaun adulta (17+) iha Timor-Leste hanesan define iha Sensus 2015 nian.

Konsiderasaun iha abordajen ba amostra nian ne'e inklui nesiedade atu permite halo komparasaun entre Dili no distritu sira seluk, nune'e mós sai práktiku liutan iha prazu ne'ebé relativamente badak no amostra ne'ebé limitadu.

Kuota mínima (haree parte liman-loos, iha leten) ne'e estabelese atu garante korbertura jéneru no jeográfiku ne'ebé adekuada.

Kuota ida, iha relasaun ho feto sira iha li'ur ba Dili, ne'e la konsege alkansa tantu iha fulan Maiu no Jullu nian. Aleinde ne'e, distritu ida-idak iha li'ur ba Dili iha kuota mínima ne'ebé proporsionál ba sira-nia populasaun. Kuota mínima nesésáriu ba distritu ida-idak mak ema nain 10. Distritu sira ho número populasaun aas (hanesan Baucau no Ermera) iha kuota mínima ema nain 25.

Iha ronda ida-idak, amostra ne'e ponderadu hasoru indikadór populasaun nian hanesan define iha sensus 2015. Ida-ne'e atu korrije parsialidade resposta husi mane no idade média sira, nune'e mós ho amostrajen ba Dili nian ne'ebé boot liu uitoan. Ponderasaun ba Métodu Iterativu Aleatóriu [Random Iterative Method (RIM)] nian uza pakote anesrake iha R studio mak hili nu'udar métodu ponderasaun ne'ebé apropriadu liu ho konsiderasaun ba komparabilidade iha futuru, simplisidade no representasaun ba populasaun. Variável sira ne'ebé uza ba ponderasaun, proporsau iha populasaun laran, naun-ponderadu no ponderadu nian mak hanesan hatudu iha tabela iha liman-loos.

	Mínimu ne'ebé propoin	Maiu	Jullu
Mane sira iha Dili	38	70	78
Feto sira iha Dili	38	57	50
Mane sira la'ós iha Dili	150	179	174
Feto sira la'ós iha Dili	150	117	102

	Populasaun (N=662,285)	Maiu naun-ponderadu (n=423)	Jullu naun-ponderadu (n=404)
Idade			
17-24	28%	14%	15%
25-44	41%	53%	58%
45-120	31%	33%	27%
Jéneru			
Mane	50%	59%	62%
Feto	50%	41%	38%
Lokál			
Dili	26%	30%	32%
La'ós Dili	74%	70%	68%

Etapas prosesamentu ba dadus nian saida mak foti ona?

Bainhira ORIMA simu tiha dadus, hafoin ezekuta etapas prosesamentu ba dadus nian hanesan tuirmai:

- Realiza verifikasaun ba duplikada no verifikasaun ba speeder. Iha ronda 1, ida-ne'e rezulta iha kazu 4 mak hasai tiha.
- Respostas ba pergunta sekuensial sira iha Tetun ne'e Fundasaun Ázia mak halo tradusaun.
- Resposta sira "La hatene" iha pergunta sira ne'ebé prezisa resposta barak ne'e halo ho eskuziva.
- Kodifikasaun reversa ne'e halo bainhira apropriadu.
- Rótulus ba variável no rótulus ba valór nian verifikadu no modifikadu hodi serbí ba fins relatóriu nian.
- Ponderasaun ne'e realiza hanesan iha leten.

Oinsá hau bele tau konfiansa ba rezultadu sira?

Tamañu efektivu amostra nian sukat ba tamañu ekivalente amostra nian hetan amostrajen perfeita ne'ebé uza sein ponderasaun. Marjen erru estatitiku nian ne'e kalkula uza pursentajen proporsau 50% iha nível konfiansa 95%. Ida-ne'e bele uza hanesan matadalan jerál ida bainhira determina kariki rezultadu sira-ne'e diferente duni ka diferente purakazu de'it.

Faktór sira seluk, hanesan métodu amostrajen, parsialidade naun-resposta no erru iha medisaun nian mós tenke tau iha konsiderasaun bainhira halo interpretasaun ba rezultadu sira.

	Maiu	Jullu
Númeru julluresposta sira	423	404
Tamañu amostra efektivu	354	322
Marje erro estatístiku	±5.2%	±5.5%

Figura sira iha testu laran ne'ebé sinalizada iha forma diferente entre sub-grupu sira-ne'e haree ba katak signifkante pelumenus ba kategoria seluk ida tan wainhira uza Welch T-test iha intervalu konfiansa 95% ho korreksaun Bonferroni nian ida iha interfase cTables husi SPSS nian. Análize ba diferensas entre sub-grupu sira-ne'e sujeita ba marjen erru sira ne'ebé aas liu no teste hirak ne'e tau ida-ne'e iha konsiderasaun. Nu entantu, sira só bele uza hanesan matadalan jerál de'it. Teste sira-ne'e la destaka bainhira la eziste diferensa iha sub-grupu. Porezemplu, iha diferensas balun tuir jéneru. Iha relatóriu ida-ne'e nia laran, la'ós figura hotu-hotu sei adisionadu hodi sai 100% tanba arredondamentu.

Kona-ba Fundasaun Ázia

Fundasaun Ázia nu'udar organizasaun dezenvolvimentu internasionál naun-lukrativu ne'ebé iha kompromisu atu hadi'ak ema nia moris iha rejiaun Ázia ne'ebé dinámiku no dezenvolve daudaun hela. Halo serbisu através ami-nia eskritóriu sira iha nasaun 18 no informadu liuhusi esperiénsia lokál ne'ebé kle'an no mós ho esperiénsia durante dékada neen nia laran, ami tau-matan ba kestaun krítiku sira ne'ebé afeta ba Ázia iha sékulo da-21 ne'e nia laran liuhusi: hametin governasaun, habelar oportunidade ekonómiku, hasa'e reziliénsia ambientál, haberan feto sira, no promove kooperasaun internasionál. Iha Timor-Leste, Fundasaun ne'e agora daudaun foka ba hametin governasaun no polítika, hapara violénsia kontra feto, dezenvolve turizmu inkluzivu, no mós promove pás no justisa.

Atu hetan informasaun liutan kona-ba Fundasaun Ázia favór vizita asiafoundation.org, ka kontaktu:

Pauline Tweedie – Representante Nasionál – Dili, Timor-Leste – pauline.tweedie@asiafoundation.org

Diresaun: Avenida Luro Mata, Bairro Metin II, Bebonuk - Dili, Timor-Leste **Tel:** + 670 331-3457

Kona-ba ORIMA Research

ORIMA Research nu'udar empreza Australianu nian ida iha área peskiza sosiál ne'ebé espesializada iha sektór sira governamentál no mós lukru-laek nian. ORIMA serbisu estensivamente ona ho Fundasaun Ázia dezde 2015, inklui iha área prosesamentu ba dados, metodolojia levantamentu no análize no mós relatóriu.

Atu hetan informasaun liutan kona-ba ORIMA Research favór vizita ami-nia website www.orima.com.au, ka kontaktu:

David Bruce – Parseiru Asosiadu – Canberra, Australia – david.bruce@orima.com

Relatóriu ida-ne'e prodús halo tuir padraun internasionál ISO20252.